

56 pelajar UMSKAL dapat pangkat Pegawai Kadet Siswa Pertahanan Awam

um 8.3.13 26

LABUAN 7 Mei - Seramai 56 pelajar Universiti Malaysia Sabah, Kampus Antarabangsa Labuan (UMSKAL) mendapat pangkat Pegawai Kadet Siswa Pertahanan Awam (Sispa) baru-baru ini.

Timbalan Naib Canselor (Hal Ehwal Pelajar dan Alumni) UMS, Prof. Madya Datuk Dr. Kasim Md. Mansur berkata, daripada jumlah itu seramai 32 pelajar merupakan

pelajar semester dua manakala selebihnya adalah pelajar semester empat.

Beliau yang juga Komandan Sispa UMS berkata, majlis itu amat penting kerana sukarelawan dalam kalangan generasi muda perlu dilatih bagi menghadapi kecemasan dan bencana dalam negara.

“Meskipun Sispa ini baru men-

cecah usia setengah tahun, anggotanya telah membuktikan komitmen membanggakan termasuk muncul johan pertandingan Kemahiran Medik sempena Perhimpunan Sispa ke-3 di Universiti Malaysia Terengganu (UMT).

“Kami juga muncul johan perbarisan kategori institusi pengajian tinggi awam sempena sambutan Hari Malaysia peringkat Wilayah

Persekutuan Labuan di Dataran Labuan,” katanya.

Beliau berkata demikian dalam ucapan alu-aluan sempena majlis penyampaian pangkat itu yang disempurnakan Timbalan Pesuruhjaya Pertahanan Awam, Selamat Dahalan yang juga Timbalan Ketua Pengarah (Operasi) Jabatan Pertahanan Awam di sini baru-baru ini.

Yang turut hadir, Pengarah Pertahanan Awam Wilayah Persekutuan, Lt. Kol (PA) Zainal Yusof; Pengarah UMSKAL, Lt. Kol. Bersekutu (PA) Prof. Madya Dr. Ismail Ali merangkap Timbalan Komandan Sispa UMS; Pegawai Pertahanan Awam Daerah, Mejar (PA) Awang Iskandar Ampuan Yaacob dan Timbalan Pendaftar UMSKAL, Zamri Mohamad Tuah.